



TOSHKENT DAVLAT YURIDIK UNIVERSITETI REKTORINING BUYRUG'I

27.04.2022 yil

94 tm-son

Talabaga hayfsan e'lon qilish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2022-yil 4-25-mart kunlari Ommaviy huquq fakultet talabalari o'rtasida universitet Odob axloq kodeksi va Ichki tartib qoidalari (ichki mehnat tartibi qoidalari)ga amal qilish holati o'rganilganda Ommaviy huquq fakulteti 3-kurs talabalari Majidov Muhammadqodir Xurshedzoda, Karimov Shovqiddinbek To'raqul o'g'li, Abdulaxayev Dovudxon Baxtiyor

o'g'li hamda 2-kurs talabalari Toshbayev Azizbek Ismoilovich va Davlatov Umidjon Baxriddinovichlar universitet Odob-axloq kodeksi qoidalari bilan tanishtirilgan bo'lishlariga qaramasdan dars mashg'ulotlariga soqol olinmagan holatda kelishgan.

Talabalar mazkur harakatlari bilan universitet Odob-axloq kodeksi 11-moddasining oltinchi qismi va 16-moddasining birinchi qismi sakkizinchi xatboshida ko'rsatilgan qoidalarni buzgan.

Shuningdek, 2022-yil 15-mart kunidagi dars mashg'ulotlari videokuzatuv vositasi orqali kuzatilganda fakultetning 3-kurs talabalari Xusainov Jamshidxon Doniyorovich, Qalqonov Asilbek Otanazar o'g'li va G'ulomiddinov Jahongir Najmiddin o'g'lilar dars mashg'uloti davomida uyali aloqa vositasidan maqsadsiz foydalanganliklari aniqlandi.

Talabalar mazkur harakatlari bilan universitet Odob-axloq kodeksi 21-moddasida ko'rsatilgan qoidalarni buzgan.

Yuqoridagilarni inobatga olib, universitet Odob-axloq kodeksi 11,16 va 21-moddalari va Toshkent davlat yuridik universiteti Ichki tartib qoidalari (ichki mehnat tartibi qoidalari) ning 54, 83-bandlariga asosan hamda Ommaviy huquq fakulteti dekani Sh.Saydullayevning bildirgisiga muvofiq,

BUYURAMAN:

1. Universitet Ommaviy huquq fakulteti 3-kurs talabalari Majidov Muhammadqodir Xurshedzoda, Karimov Shovqiddinbek To'raqul o'g'li, Abdulaxayev Dovudxon Baxtiyor o'g'li, Xusainov Jamshidxon Doniyorovich, Qalqonov Asilbek Otanazar o'g'li, G'ulomiddinov Jahongir Najmiddin o'g'lilar hamda 2-kurs talabalari Toshbayev Azizbek Ismoilovich va Davlatov Umidjon Baxriddinovichlarga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):
ushbu buyruq bilan fakultet talabalarini tanishtirsin;
mazkur holat takror sodir etilsa, talabalarni talabalar safidan chetlashtirilishi mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor



A.TASHKULOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Devonxona mudiri

X.ABDULLAYEV



Katta yuriskonsult

E.XOSILOV

